

經典通用考

經典通用攷卷一

吳興叢書

歸安嚴章福撰

自漢以來儒者相傳但言五經唐立學官則有九經明
正德閒始傳十三經毛氏注疏盛行於世雖經先儒訓
詁經指究未易明蓋唐虞三代文字無多多假借至秦
漢而文字大備經典相承無敢改易秦始皇帝統一海
內欲盡燒之爲天下同文恐不能盡改於是有挾書之
令不從者皆阬之乃令卒不行徒自擾耳竊謂古聖賢
書當以今文釋古文或以古文別今文則假借之義明
古文亦藉以不墜始皇蓋欲去古而趨今耳經義易以
明古文由此絕矣後世遂以禁書之罪加之豈始皇之

心哉鄭康成箋注每謂某讀爲某某讀如某陸德明音義每謂某說文作某皆以今文釋古文說文或言讀若某或言讀與某同或複舉一曰或引經異文皆以古文別今文訓詁家往往有之許鄭陸所傳尤廣然學者多誤解故通經者鮮余於經學未敢言知惟諸家異同得失要以說文爲指歸蓋說文皆正字經典多假借也本無其字謂之假借本無其字而後有字者亦不得謂非假借通用亦假借也世之人習焉不察以假借爲正字而正字廢且不可識偶一及之如見怪物焉甚且目今文爲古文以古文爲今文顛倒舛錯執一而不通以此窮經亦無怪勞苦罔功趨而愈遠也我湖周氏學濂以

經典俗書悉以說文正之爲經字攷余又以十三經假借字依說文部次而以正字別之名曰經典通用攷凡十四卷所據皆毛氏汲古本因人所共見也其諸假借字疊見於經例不備舉惟學者之隅反不徇今而背古亦不是古而非今未始非通經之一助也余先就說文校議議卅篇前人訓詁謬加駁正徐校說文尤多審定今悉依注疏并大徐本各自成書不嫌矛盾閱者諒之咸豐丁巳歲五月旣望

一部一

元 春秋僖廿八年衛元咺出奔晉注元咺衛大夫說文作祁云鄭邑也元始也義別按韻會十三元云左

傳衛大夫元咺又後魏孝文拓拔氏爲元氏望出河南

上部二

上 論語草上之風必偃注孔云加草以風無不仆者說文作尙云曾也庶幾也上重文上高也義別按曾卽增益字會下云从曾省曾益也此其證

旁 詩鄭風駟介旁旁說文作駟云馬盛也又周禮梓人以旁鳴者注旁鳴蜩蛭屬疏此卽蟬也蟬鳴在脅說文作膀云脅也旁溥也義別

永部三

永 周禮大宗伯掌建邦之天神人鬼地示之禮說文

作祇云地祇提出萬物者也示天垂象見吉凶所以示人也義別

祇 詩小雅壹者之來俾我祇也傳祇病也說文作疰云病也祇敬也義別

祇 左傳昭十二年王是以獲沒於祇宮疏引馬融云圻內遊觀之宮也說文作畿云天子千里地以遠近言之則言畿也祇地祇提出萬物者也義別

祭 春秋隱元年祭伯來莊廿三年祭叔來聘說文作鄒云周邑也祭祭祀也義別

祀 禮月令仲春祀不用犧牲說文作祠云春祭曰祠品物少多文詞也祀祭無已也義別

祊 春秋隱八年鄭伯使宛來歸祊公羊傳作邴說文
同云宋下邑祊重文繫門內祭先祖所以徬徨義別
祝 詩鄘風素絲祝之傳祝織也箋祝當作屬說文作
屬云連也又周禮瘍醫祝藥剗殺之齊注祝當爲注
說文作注云灌也又書無逸否則厥口詛祝詩大雅
侯作侯祝傳詛也說文作訓云禱也下卽詛篆云訓
也祝祭主贊詞者義別

祈 詩小雅祈父予王之爪牙疏此職掌封畿兵甲說
文作畿云天子千里地以遠近言之則言畿也祈求
福也義別

禱 詩小雅旣伯旣禱傳將用馬力必先爲之禱其祖

說文作禱云禱牲馬祭也禱告事求福也義別

禦

易蒙卦利禦寇左傳隱九年北戎侵鄭鄭伯禦之

昭十六年執政禦之說文作𡔷云禁也禦祀也義別

王部五

王周禮獻人春獻王鮪注王鮪鮪之大者爾雅釋魚

蟒王蛇注蟒蛇最大者故曰王蛇說文作皇云大也

又詩大雅昊天曰明及爾出王傳往也箋常與汝出

入往來說文作往云之也王天下所歸往也義別

皇

詩魯頌烝烝皇皇皇傳皇皇美也箋當作𡔷𡔷儀禮

聘禮賓入門皇說文作𡔷云光美也又詩小雅皇皇

者華爾雅釋言皇華也說文作𡔷云華榮也讀若皇

又禮王制有虞氏皇而祭注皇冕屬也畫羽飾焉周
禮舞師教皇舞帥而舞旱暵之事注鄭司農云皇舞
蒙羽舞書或爲翌說文作翌云樂舞以羽翬自翳其
首以祀星辰也讀若皇又詩小雅朱芾斯皇箋猶煌
煌也說文作煌云煌輝也又詩大雅夾其皇澗春秋
昭廿二年劉子單子以王猛居于皇說文作湟云水
出金城臨羌塞外東入河皇大也義別

玉部六

瓊 左傳僖廿八年楚子玉自爲瓊弁玉纓疏瓊玉之
美者說文作璿云美玉也瓊赤玉也義別

珥 周禮山虞致禽而珥焉注鄭司農云珥者取禽左

耳以效功也說文作則云斷耳也珥瑱也義別

瑱 周禮小行人王用瑱圭說文作鎮云博壓也瑱以玉充耳也義別

璫 詩王風毳衣如璫說文作璫云以毳爲縹色如璫故謂之璫璫玉經色也義別

瑕 詩邶風不瑕有害傳言二子之不遠害說文作瑕云至也按小雅遐不謂矣禮表記引謂詩瑕不謂矣說文無遐字新附有之蓋从不从彡義可相通彡者彡之省又詩大雅烈假不瑕箋瑕已也說文作暇云閑也按卽閒暇瑕玉小赤也義別

琢 禮郊特牲大圭不琢說文作瑑云圭璧上起兆瑑

也琢治玉也義別

理 孟子稽大不理於口趙注理賴也說文作𠄎云聊也漢書季布傳晉灼注引說文𠄎賴也又左傳昭十三年行理之命注行理使人說文作吏云治人者也理治玉也義別按周語行理以節逆之賈逵注理吏也小行人也據此知行理卽行吏謂行人官

珍 周禮典瑞珍圭以珍守以卹凶荒注杜子春云珍當爲鎮說文作鎮云博壓也珍寶也義別

玩 易繫辭所樂而玩者爻之辭也疏言君子愛樂而習玩者是六爻之辭也說文作翫云習馱也玩弄也

義別

琅 孟子放於琅邪注琅邪齊東境上邑也說文作郎
云魯亭也琅琅玕似珠者義別按地理志郡國志琅
邪皆屬徐州在今山東兗州府東境

靈 左傳定九年載蔥靈注輜車名說文作駟云輜車
也靈重文靈靈巫以玉事神義別按車部幹車輜閒
橫木或作櫛恐非義

班部七

班 書大禹謨班師振旅左傳襄十八年有班馬之聲
注別也說文作般云辟也又禮王制班白者不提挈
注雜色曰班說文作𠂔云須髮半白也又爾雅釋言
班賦也說文作𠂔云賦事也班分瑞主義別

士部九

士 禮王制命鄉論秀士注秀士鄉大夫所考有德行
道藝者說文作仕云學也士事也義別

丨部十

中 禮月令孟夏律中中呂說文作仲云中也中和也
義別

艸部十一

每 詩小雅每懷靡及說文作曰云重覆也每艸盛上
出也義別按重覆者猶言不一也孟子每人而悅之
亦卽此曰字每乃艸昧初開字也

熏 詩大雅公尸來止熏熏說文作醺云醉也熏火煙

上出也義別

艸部十二

荅 書洛誥奉荅天命論語夫子不荅說文作合云合口也荅小未也義別按左傳宣二年既合而來奔注合猶荅也亦作合

葩 爾雅釋草莢蘆葩注葩宜爲蘆蘆葩蕪菁屬說文作葩云蘆葩似蕪菁實如小未者葩泉實也義別

蘇 詩鄭風山有扶蘇傳扶蘇扶胥小木也說文作楮云木也又書仲虺之誥后來其蘇左傳宣八年殺諸絳市六日而蘇襄十年蘇而復上者三說文作歟云死而復生爲歟蘇桂荏也義別

荏 詩小雅荏染柔木傳荏染柔意也論語色厲而內
荏注孔曰荏柔也說文作𦵏云弱兒荏桂荏蘇也義
別

葵 詩小雅天子葵之傳葵揆也釋言同大雅則莫我
敢葵箋葵揆也說文作揆云葵也按此以假借釋正
字六書故弟十四引唐本揆度也又春秋僖九年諸
侯盟于葵丘說文作鄒云河東臨汾地卽漢所祭后
土處葵菜也義別按水經汾水又西過皮氏縣注云
汾水經鄒丘北故漢氏之方澤也

蓼 左傳文五年楚子變滅蓼注蓼國今安豐蓼縣釋
文蓼字或作鄒說文作鄒云地名蓼辛菜蒿虞也義

別

芋 詩小雅君子攸芋傳芋大也箋當爲幬幬覆也桱
惟大故可覆毛與鄭合說文作幬云覆也芋大葉實
根駭人故謂之芋也義別

蘧 爾雅釋草出隧蘧蔬注蘧蔬似土菌生菰草中說
文作蘧云菜也似蘇者蘧蘧麥也義別

菁 詩唐風有杕之杜其葉菁菁傳葉盛也小雅菁菁
者莪傳菁菁盛貌說文作蘩云艸兒菁韭華也義別
萃 周禮車僕萃車之萃注萃猶屏也所用對敵自蔽
隱之車也說文作駟云輜車也萃蒞也無根浮水而
生者義別

藍 左傳宣十二年筭路藍縷注藍縷敝衣說文作縷
云楚謂無緣衣也又作縷云稠謂之縷縷縷無緣也
藍染青艸也義別

薰 易艮卦厲薰心疏燒灼也爾雅釋訓爇爇炎炎薰
也說文作熏云火煙上出也薰香艸也義別

藎 詩大雅王之藎臣傳藎進也釋詁同說文作晉云
進也藎艸也義別

薊 禮樂記而封黃帝之後於薊說文作薊云周封黃
帝之後於薊也讀若薊上谷有薊縣薊芡也義別

薊 爾雅釋草薊王薊說文作薊云王薊也薊山莓也
義別